

Transkript sa konferencije za medije međunarodnih organizacija

OHR, Kevin Sullivan

OSCE, Aida Bešić

EUPM, Zinaida Ilaria

EUFOR, Jem Thomas

OHR

Bosna i Hercegovina na pragu Euro-atlantske budućnosti

OHR apelira na poslanike u Domu naroda Parlamentarne skupštine BiH da podrže politički sporazum o reformi policije, koji je odobrila Evropska komisija, i da danas glasaju za njegovo usvajanje. Usvajanje ovog sporazuma od strane Doma naroda – bez izmjena i dopuna – će pomoći da se uklone prepreke na putu za početak pregovora o Sporazumu o stabilizaciji i prijedruživanju.

Ovaj sporazum će građanima Bosne i Hercegovine omogućiti policiju na osnovu tri principa koja je utvrdila Evropska komisija. Sporazum će omogućiti da policija u BiH bude efikasnija i koordiniranija u borbi protiv sve većeg problema kriminala.

Ovo je posljednja važna reforma prije nego što Bosna i Hercegovina otpočne stratešku promjenu sa poslijeratne stabilizacije s jedne strane, i tranzicije ka Evropi s druge strane.

To je neodvojivi dio nepovratnog postavljanja BiH na kurs ka efikasnoj državi, kao i na put koji vodi ka Evropskoj uniji i NATO-u. Od sada pa nadalje, Bosna i Hercegovina ima jasan stav

o tome kuda ide i šta se treba uraditi da bi došla do tamo.

Vrijedno je istaći da nijedna zemlja koja je krenula putem ka Evropi na osnovu ugovornog odnosa sa Evropskom unijom nije propustila da dovrši taj put ka punom članstvu.

U kontekstu predstojećeg započinjanja razgovora o Sporazumu o stabilizaciji i pridruživanju i produbljivanja odnosa sa NATOnom, smanjena uloga OHR također postaje moguća – još jedan pokazatelj da Bosna i Hercegovina ulazi u novu eru.

Ono što sada ostaje jeste da Dom naroda usvoji tekst sporazuma u predloženom obliku, bez ikakvih izmjena i dopuna.

Što se tiče procedure, Evropskoj komisiji će trebati određen vremenski period da pripremi pozitivnu preporuku za Evropsko vijeće, ali je moguće da do ovoga dođe prije kraja ove godine.

Novi zakoni koji su neophodni za privlačenje investicija i otvaranje novih radnih mesta

Kao što vam je poznato, danas poslijepodne u Banja Luci se organizira okrugli sto na kojem će se razgovarati o nacrtu zakona, koji je pripremljen zajedno sa Njemačkom agencijom za razvoj (GTZ), a kojim se zamjenjuje Zakon o obligacijama u Federaciji, Republici Srpskoj i Distriktu Brčko. Današnji okrugli sto je dio značajnog procesa konsultiranja sa javnošću prije parlamentarne debate, za koju se nadamo da će se održati prije kraja ove godine.

Važeći zakoni o obligacijama su zastarjeli i doprinjeli su fragmentaciji bh. privrede. Time se odvraća ona vrsta investicija koja je neophodna za otvaranje novih radnih mesta, te se stoga to mora ispraviti. OHR stoga apelira na sve zainteresirane snage da se uključe u proces javnih konsultacija. Ovaj zakon je ključni element za poboljšanje poslovnog okruženja u Bosni i Hercegovini. Što se prije doneše, to se prije mogu očekivati i prednosti u pogledu investiranja i otvaranja novih radnih mesta.

OSCE

Ambasador Douglas Davidson danas će govoriti pred Domom naroda FBiH

Ambasador Douglas Davidson, šef Misije OSCE-a u Bosni i Hercegovini, danas će se obratiti Domu naroda Federacije Bosne i Hercegovine, na posebnoj sjednici posvećenoj trenutnoj situaciji u obrazovanju.

Ambasador Davidson podcrtat će hitnost uklanjanja politike iz obrazovanja. Također će iskoristiti ovu priliku da podsjeti zakonodavce da, iako je prošlo dvije godine od kada je Parlamentarna skupština BiH jednoglasno usvojila Okvirni zakon o osnovnom i srednjem obrazovanju, primjena osnovnih postavki ovog zakona je još uvijek nedovoljna u mnogim područjima.

Ponavljamajući poziv Vijeća za implementaciju mira, ambasador Davidson naglasit će potrebu prevazilaženja preostalih prepreka koje stoje na putu reformi obrazovanja, kako bi ono bilo u skladu sa evropskim standardima i međunarodnim obavezama koje je Bosna i Hercegovina dobrovoljno preuzela. Također će pozvati na uspostavljanje efikasnog mehanizma na državnom nivou koji bi koordiniralo obrazovanje, kako bi se osiguralo da država ispuni date standarde i ispoštuje te obaveze. Važan i hitan prvi korak u ovom pravcu je uspostava agencije za obrazovanje na državnom nivou.

Povodom ovoga, Misija OSCE-a u Bosni i Hercegovini želi pohvaliti i dati podršku Sindikatu osnovnog obrazovanja BiH na njihovom pozivu na uspostavu državne agencije. Ovo je tačno ona vrsta aktivnost građana Bosne i Hercegovine koje će biti potrebna za nastavak reforme obrazovanja u ovoj državi, ukoliko se žele uvesti promjene koje će obezbijediti bolje izglede budućim bh. generacijama.

Sastanak o regionalnoj saradnji na predmetima ratnih zločina

Misija OSCE-a u Bosni i Hercegovini, zajedno s misijama u Hrvatskoj i Srbiji i Crnoj Gori, i u suradnji s Državnim sudom BiH, bit će domaćinom dvodnevнog sastanka eksperata na temu regionalne saradnje u procesiranju ratnih zločina, koji počinje sutra u Mostaru.

Ovaj sastanak nastavak je Palićkog procesa koji je započet proteklog novembra, i kojem je cilj nalaženje rješenja za prepreke s kojima se susreću sudije i tužioci u svojim naporima da osiguraju efikasno gonjenje i poštено suđenje optuženim za ratne zločine.

EUPM

Polijska misija Evropske unije u Bosni i Hercegovini (EUPM) u suradnji sa bh. agencijama za sprovođenje zakona nedavno je finalizirala i objavila takozvanu "Povelju o javnom informiranju".

Povelja, koja se odnosi na građane BiH, govori o ulozi policije u modernom demokratskom društvu, kao i o pravima i dužnostima građana u vezi s radom policije. Povelja takođe sadrži mehanizme, koji građanima stoje na raspolaganju, te koji im omogućavaju da imaju odgovornu policiju.

Ovaj projekat je dio sveobuhvatnijeg programa koji se odnosi na rad policije u zajednici, a koji je implementirao EUPM zajedno sa domaćim partnerima širom Bosne i Hercegovine.

Projekat ima za cilj da poboljša odnos između policije i zajednice, kao i da poveća transparentnost policijskih aktivnosti. Osim toga, ovaj projekat treba da osigura ličnu sigurnost građana i javnu bezbjednost.

Povelja je izložena u foajeima svih policijskih stanica širom zemlje i dostupna je na EUPM web stranici www.eupm.org.

EUFOR

Nije bilo izjava.

Pitanja novinara:

Fedžad Forto, FENA:

Kevin, molim vas, što se tiče dešavanja vezanih za preimenovanje Sarajevskog aerodroma ja bih se složio sa stavom OHR-a da je ta odluka bila politička greška. Međutim, prema tvrdnjama zvaničnika iz Stranke demokratske akcije vi ste dali zeleno svjetlo za tu odluku prije dva mjeseca. Šta se to desilo u međuvremenu? Drugo pitanje je kako možete tolerisati nazive nekih ulica ili mostova, nazvanih po dokazanim ratnim zločincima kao što su Jure Francetić, Mile Budak, Hakija Hadžić, Draža Mihajlović, itd?

Kevin Sullivan, OHR:

Što se tiče davanja zelenog svjetla, moram istaći da je visoki predstavnik jasno poručio gospodinu Tihiću da predloženi postupak nije primjeren, i to je bila poruka OHR-a, te su sljedeći postupci visokog predstavnika bili u skladu s njom. U vezi sa pitanjem aerodroma u poređenju sa ulicama, trgovima i tako dalje, kao što je jasno predočeno u odluci postoji razlika između međunarodnog aerodroma i svega ostalog – međunarodni aerodrom, naziv tog aerodroma, šalje poruku o čitavoj državi – te odluka viskog predstavnika prepoznaće i bavi se upravo tom razlikom.

Nenad Glušica, NTV Studio 99:

Gospodine Sullivan, jedno slično pitanje. Kako vi komentirate osobno izjavu predsjednika Stranke demokratske akcije Bosne i Hercegovine gospodina Sulejmana Tihića da je ovim aktom što je uradio visoki predstavnik, visoki predstavnik izgubio podršku Stranke demokratske akcije Bosne i Hercegovine?

Kevin Sullivan, OHR:

Visoki predstavnik je postupao iz vrlo jasno iznijetih razloga, a motiv za bilo kakav postupak ove vrste je samo najbolji interes Bosne i Hercegovine, i to je navedeno u odluci. Smatram da nema koristi da govorim više od ovoga.

Branka Kusmuk, RTS:

Za Kancelariju OHR-a, dakle slučaj Lukić, da li ste dobili traženu informaciju od strane Vlade Republike Srpske i ako jeste da li ste zadovoljni odgovorom?

Kevin Sullivan, OHR:

Vladi Republike Srpske je jasno dato do znanja koje korake mora poduzeti i ti koraci uključuju povinovanje obavezama na koje je pristala: da smijeni i formira novi Savjet fakulteta; da osigura da budu vracene sve plate koje su isplaćene gospodinu Lukiću; i da osigura – a ovo je izuzetno važno – da su interesi studenata zadovoljeni iz razloga što gospodin Lukić nije ovlašten da radi kao profesor na javnom fakultetu te nema ovlasti da održava nastavu niti da održava i ocijenjuje ispite. Ovi koraci moraju biti poduzeti i to je ono šta OHR očekuje od Vlade Republike Srpske. Ove odredbe su jasno predočene Vladi i OHR očekuje da ih Vlada izvrši. Ne bih ništa dalje govorio o tome.

Branka Kusmuk, RTS:

Ja se izvinjavam, ali ako se ne varam danas je bio krajnji rok da Vlada dostavi određene podatke, da li je to učinila?

Kevin Sullivan, OHR:

Proces je, kao što ste rekli, još uvijek u toku i nije se završio do predviđenog roka. Mi ćemo sigurno ovo komentirati, međutim još nije vrijeme za to.